

Antxon Tomasena

Euskadiko CCOOko bulego
teknikoko kidea

Zerga-politika berdintzailea eta birbanatzailea

■ PFEZaren erreformaren gainean eztabaidatzeko epea zabaldu denez gero, uste dut une egokia dela indar politiko eta sozial guztiok ahalik eta era objektiboenean azter ditzagun proposatutako aldaketak eta haien eraginak.

Euskadiko Zerga-Koordinaziorako Organoak egin ditu lehendabizikoak. Horretara, eredu aurrefabrikatu bat aurkeztu du, baina, argitara atera arte haren ildo nagusiak ezezagunak baitziren, iritzi ugari eman dira, behar adina datu izan gabe ondorio ondo oinarrituak ateratzeko.

Honi gagozkiola, aurreikusita dago hurrengo egunetan CCOO eta proiektuaren arduradunak biltzea. Bilera ezinbestekoa da, behar-beharrezkoa delako datuak eta haien garrantzia jakitea, zertaz hitz egiten ari garen ondo zehaztu eta izango dituen ondorioak ahalik eta ongien neurtzeko. Batez ere kasu honetan, oso hurbileko zerga baita denontzat, eta, ondorioz, hartan gertatzen den edozein aldaketak eragin berezia baitu denongan, nola gizabanakoengan hala taldeetan.

Gizabanakoaren ikuspegitik, alderdi batzuk hobetu ahal —zuzenketa teknikoak— eta behar dira —ezabatu nahi diren zenbait alderdi, baita kontuan hartzen ez diren beste batzuk ere—, *behera-penak* denongan izan dezan eragina, ez hein berekoa, baina bai zerga honen helburu nagusietako bat betetz, hau da, zerga-politika bidezkoago eta birbanatzaileago bat bultzatuz. Hala ere, egia da gizabanakoaren ikuspegitik gaia agortezina dela, eta polemika plazaratuta dagoela.

Talde-ikuspegitik, ezin gara alde zurretik katastrofistak izan. Izan ere, egia bada ere erreformak hasiera batean diru-kutxa publikoan sarrera gutxiago izatea ekarriko duela, kontzeptu honen izenean dirua biltzeko egungo ahalmena galduko delako, sortutako eztabaida honetan espero dugu erreforma-zirriborro hau zabaltzea, gure ustez osagarriak diren alderdi zehatz batzuen gaineko ekintza proposamenen bitartez —gastu publikoen kontrola (eta ez murrizketa); iruzurraren aurkako politiken zehazpena; kontsumo ahalmenak handitzearen



ondorioz, BEZaren bidez biltzen den diru kopuruan aurreikus daitekeen hazkundearen estimazioa...—, erreformak izango dituen emaitza hipotetikoak ebaluatu ahal izateko.

Aldagai kuantitatibo honetaz gain, ez dugu ahaztu behar gastu-politika —gutxi-asko aurrerakoa— aldagai kualitatibo baten mende dagoela: gestioa. Alderdi politikoek erabakitzen dute haren zer-nolakoa, eta guretzat garrantzi handienekoa da.

Orain, egungo egoerara itzulita, edozein neurri hartzean gogoan izan behar dira euskal gizarteak dituen premia larriak eta beharrak, eta, gure ustez, langabezia dago zerrenda horretako lehendabiziko tokian.

Erreforma honek berez ekarriko duen finantza ahalmenaren gutxitzea, gure ustez, beharrezkoa da, langabeziari aurre egiten lagundu nahi bada. Hala ere, zerga horren gutxitzeak gizarte osoaren eros ahalmena areagotuko du, eta, batez ere, aurrezki pribatua bultzatuko du, baina ez dugu uste aurrezki tasa orokorra handituko duenik. Izan ere, oraino uste dugu sektore publikoaren aurrezki eraginkorragoa dela langabeziari aurre egiteko.

Prest gaude errenta zergaren erreformarako eztabaida honetan beharrezko neurri guztiak proposatzeko, egungoa hobetu eta etorkizunean erreferentzia izan gaitezen. Eta ez hipoteka bat —ezin baikara hori izan—, Ibarretxe jaunak

Espainiaz ari zela hedabideei esan bezala.

Esan du, halaber, PFEZari euskaldunon nolakotasuna gehitu diola, desberdintasuna (?), alegia. Hitza ez zaigu axola gutxikoa iruditzen, baina ulertzen dugu zein testuingurutan erabiltzen duen. Desberdinak garelako tratatu desberdina merezi dugula esaten ari da; ez dugu uste tratatu desberdina jasotzen dugulako desberdinak garelako esaten ari denik. Hain aberats ez direnek gure ustez esan nahi ez zuenarekin identifikatuta jarraitzen dute, non ez den klase-gizartea EAJren ideia-multzoan sartu beharreko helburu bat. ■

Erredakzioan itzulita

ZAMALBIDE INSTITUTUA

Orereta-Errenteria

Tfn.: 943 51 60 99 - 943 52 06 40

D ereduari

LOGSE Batxilergoa:

- * Giza eta Gizarte Zientziak
- * Teknologikoa

Goi Mailako Heziketa Zikloa

- * Produktu elektronikoaren garapena

A ereduari

LOGSE Batxilergoa:

- * Giza eta Gizarte Zientziak

Erdi Mailako Heziketa Zikloak

- * Mekanizazioa:
Ez dago lekurik
- * Kudeaketa administratiboa:
6 plaza libre
- * Kontsumorako ekipamendu elektronikoak:
4 plaza libre

Matrikula: uztailaren 1etik 10era



uda ikastaroak

lesaka. arbona. etxalar.

lesaka 948 637796
iruñea 948 222246
gasteiz 945 288922

zatoz euskararen gerizpera!!

goi urratsetan eta EGAn adituak



IRATI IRRATIAK
LANGILE BAT
BEHAR DU (ahal izanez gero kazetaria) lehenbaitlehen lanean hasteko.

Interesatu orok
deitu 948 76 43 76
telefono zenbakira,
10:00etatik ordu
2ak arte.